



UNIUN DALS GRISCHS
PER LINGUA E CULTURA LADINA

novitats per abunents ed abunentas dal newsletter

nossas novitats - il newsletter regular
cun novas davart eveniments, occurrenz, ediziuns e nossa lavur

Allegra Carmen Baumann

I'l seguond newsletter da l'an 2025 infurmaina dals seguints cuntgnieus:

- revista radunanza generela
- preschantaziun commembranza da firmas
- revista Poetry Slam
- occurrenz sted

Revista radunanza generela

In sanda, ils 12 avrigl 2025, ho gieu l'ò nossa **radunanza generela i'l Chesin Manella**. Ils puncts ils pù importants chattais in seguit, il protocol cumplet pudais telecharger cul buttun suotvart.

- La **gestiun finela** finischa cun ün guadagn da frs. 6323,-
- Punct culminant da l'an 2024 es sto il **giubileum da 120 ans**
- Dal 2025 sun planisedas **trais ediziuns regularas**:
- **Chalender Ladin** (redacziun Uorschla Natalia Caprez Brühlhart)
- **Dun da Nadel** (scoula cumünela Zernez)
- **Chasa Paterna** (ün tom dals 'Trais ???' in vallader)
- ed ün cudesch per riffaunts insembel cul Parc Nazioneel Svizzer **'Üna gita sü Macun'**.
- Ün dals progets pù grands es la müdada dal **Chesin Manella illa Chesa Planta**, cò essans in contact cun la suprastanza da la fundaziun. L'orizont da temp es ün pèr ans.



[protocol da la radunanza generela](#)

Commembranza da firmas

L'Uniun dals Grischs es vi dad elavurer üna commembranza per firmas. Quella dess musser cu cha firmas indigenas sun buns exaimpels a regard l'adöver dal rumauntsch; saja que cun druver il rumauntsch in noms da prodots u i'l minchadi cun collavuratu:ras e cun claint:as. Quist'ideja fo part da noss program da lavur 2026 - 2027. Dapü infurmaziuns seguan a temp ütil.

Revista Poetry Slam e survista occurrenz da sted

Nus vains cumanzo il seguond an cun las battostas litteraras *Poetry Slam Ladin* in marz a Puntraschna i'l Pöstli. Nus gratulainsa cordielmaing ad Annemieke Buob ed a Simo Bärtsch per lur victorial

Quista sted sun planisedas las seguintas occurrenz:

- Dals 20 fin als 21 da gün 2025 - vain celebraz a Turich il prüm festival culturel rumauntsch illa Svizra tudas-cha, il **Festivalet**. Ils organisaturs, l'uniun *Cultura Rumantscha en la Bassa (CRB)* es in tschercha da voluntaris pel festivalet. Persunas interessedas as paun annunzcher sur quist link.
- **Maisas da cudeschs**: Quista sted es l'UdG preschainta a diversas maisas da cudeschs. Traunter oter a Scuol, Bravuogn a Samedan. Dapü infurmaziuns do que sur il buttun suotvart.

Nossas occurrenz vegnan actualisedas regulermaing sülla homepage, uschè chi vela la paina dad adüna darcho der ün cuc.

[Occurrenz da l'Uniun dals Grischs](#)

Bellas vacanzas a tuottas ed a tuots!

La suprastanza da l'Uniun dals Grischs giävüscha a tuot las commembras, commembers, abunents ed abunentas bellas vacanzas da meg! Nus ans allegrainsa dad esser inavous plain schlaunch per la sted!



Rester infurmo sur noss chanelas da medias socielas e sülla pagina d'internet:

